

008975

紹興縣志

第四冊

紹興縣志

绍兴县地方志编纂委员会编

绍兴县志

第四册

赵榛初题



中华书局

总 目 录

序一
序二
序三
序四
凡例

史略

大事年表

第一册 地域 社会

第一编 建置
第二编 自然环境
第三编 土地
第四编 民族 人口
第五编 镇乡
第六编 水利
第七编 交通
第八编 邮电
第九编 城乡建设
第十编 环境保护
第十一编 人民生活

第二册 经济 政治

第十二编 农业
第十三编 渔业
第十四编 工业
第十五编 市场
第十六编 商业
第十七编 粮油
第十八编 历史名产

第十九编 金融 保险
第二十编 科学技术
第二十一编 县政机构
第二十二编 中国共产党
民主党派

第二十三编 会党 中国国民党
第二十四编 社会团体
第二十五编 公安 司法
第二十六编 民政
第二十七编 人事 劳动
第二十八编 财政 税务
第二十九编 工商管理
第三十编 境外事务
第三十一编 军事

第三册 文化 人物

第三十二编 教育
第三十三编 文化
第三十四编 新闻
第三十五编 卫生
第三十六编 体育
第三十七编 文物 胜迹
第三十八编 宗教
第三十九编 风俗
第四十编 方言
第四十一编 人物

第四册 丛书 索引

第四十二编 丛书
索引

GAZETTEER OF SHAOXING

Contents

Preface I
Preface II
Preface III
Preface IV
Principles of Editing

A Brief History
Annals

Volume One: The District and Society

Chapter 1 The Establishment
Chapter 2 Natural Environment
Chapter 3 The Land
Chapter 4 Peoples and Population
Chapter 5 Towns and Townships
Chapter 6 Water Conservancy
Chapter 7 Communications
Chapter 8 Post and
Telecommunications
Chapter 9 Urban and Rural
Construction
Chapter 10 Environmental Protection
Chapter 11 Life of the People

Volume Two: Economy and Politics

Chapter 12 Agriculture
Chapter 13 Fishery
Chapter 14 Industry
Chapter 15 Markets
Chapter 16 Commerce
Chapter 17 Food and Oil
Chapter 18 Historical Products of Public
Esteem
Chapter 19 Banking and Insurance

Chapter 20 Science and Technology
Chapter 21 Administrative Organizations
of the County
Chapter 22 The Communist Party of
China and Democratic Parties
Chapter 23 Secret Societies and The
Kuomintang of China
Chapter 24 Social Organizations
Chapter 25 Police and Judicature
Chapter 26 Civil Administration
Chapter 27 Personnel and Labor
Chapter 28 Finance and Tax
Chapter 29 Industrial and Commercial
Administration
Chapter 30 Affairs Connected with the
Outside
Chapter 31 Military Affairs

Volume Three: Culture and Personage

Chapter 32 Education
Chapter 33 Culture
Chapter 34 Journalism
Chapter 35 Sanitation
Chapter 36 Physical Culture
Chapter 37 Cultural Relics and Historic
Sites
Chapter 38 Religion
Chapter 39 Custom
Chapter 40 Dialect
Chapter 41 Personage

Volume Four: Miscellaneous Excerpts and Index

Chapter 42 Miscellaneous Excerpts
Index

第四册 丛录 索引

目 录


第四十二编 丛 录

第一章 诗文选录	2335
第一节 赋序记铭	2336
第二节 诗词曲	2383
第二章 文献辑存	2432
第一节 专题文献	2432
第二节 其他文献	2451
第三章 旧志简介	2506
第一节 旧志述要	2507
第二节 旧志序跋	2513
第四章 县人著述要目	2530

索 引

目与子目索引	2721
人名索引	2771
地名索引	2895
引书目录	3003
图照目录	3047
表格目录	3063
后 记	3073
《绍兴县志》编纂机构及人员名单	3075

第四十二编 丛录



万历《会稽县志》、《剑南诗钞》、《路史》明刻本

绍兴素称文物之邦。自古以来,文化昌隆,学术兴盛,文人学士灿若繁星,各类著述浩如烟海。本编仅录其要。

所选诗文,多为已故邑人著作,兼收已故客籍人士记述有关绍兴之作,作品一般均注明出处,并尽可能找到原著作校;县人著述要目,选录较为广泛,作者生故兼收,亦含外籍人士在绍工作期间之作,出处多据历代经史子集及近现代较为可靠著述目录。

全编辑录诗文、文献、旧志简介共 500 篇(首);收录县人著述要目 4632 册(篇),1709 人,其中入《四库全书总目》者 174 册(篇),110 人。编排均以作者所处时代为序,民国起作者名前不冠所处时代。

第一章 诗文选录

本章共辑录自先秦至近现代各种艺文 48 篇,其中赋 6 篇,铭与序 8 篇,游记及其他 34 篇;诗、词、曲牌 300 首,其中诗 278 首,词 10 首,曲 12 首。作品均注出处,力求反映原作原貌。部分作品各种志书所载出入较大者,在篇后略作说明。各种地方志所载唐代诗作与《全唐诗》多有不同,本节所录基本以《全唐诗》为准。

5

第一节 赋序记铭

兰亭集序

晋 王羲之

永和九年，岁在癸丑，暮春之初，会于会稽山阴之兰亭，修禊事也。群贤毕至，少长咸集。此地有崇山峻岭，茂林修竹，又有清流激湍，映带左右，引以为流觞曲水，列坐其次。虽无丝竹管弦之盛，一觴一咏，亦足以畅叙幽情。是日也，天朗气清，惠风和畅，仰观宇宙之大，俯察品类之盛，所以游目骋怀，足以极视听之娱，信可乐也。夫人之相与，俯仰一世，或取诸怀抱，悟言一室之内，或因寄所托，放浪形骸之外。虽趣舍万殊，静躁不同，当其欣于所遇，暂得于己，快然自足，不知老之将至。及其所之既倦，情随事迁，感慨系之矣。向之所欣，俛仰之间，以为陈迹，犹不能不以之兴怀，况修短随化，终期于尽。古人云：死生亦大矣，岂不痛哉！每览昔人兴感之由，若合一契，未尝不临文嗟悼，不能喻之于怀。固知一死生为虚诞，齐彭殤为妄作。后之视今，亦犹今之视昔，悲夫！故列叙时人，录其所述。虽世殊事异，所以兴怀，其致一也。后之览者，亦将有感于斯文。

录自神龙本《兰亭集序》

会稽山赞

晋 郭璞

禹徂会稽，爰朝群臣。不虔是讨，乃戮长人。玉匱表夏，玄石勒秦。

录自宋《嘉泰会稽志》，清嘉庆戊辰重镌，采鞠轩藏版

山居赋

南朝·宋 谢灵运

古巢居穴处曰岩栖，栋宇居山曰山居，在林野曰丘园，在郊郭曰城傍，四者不同，可以理推。言心也，黄屋实不殊于汾阳。即事也，山居良有异乎市廛。抱疾就闲，顺从性情，敢率所乐，而以作赋。扬子云云：“诗人之赋丽以则。”文体宜兼，以成其美。今所赋既非京都宫观游猎声色之盛，而叙山野草木水石谷稼之事，才乏昔人，心放俗外，咏于文则可勉而就之，求丽，邈以远矣。览者废张、左之艳辞，寻台、皓之深意，去饰取素，悦值其心耳。意实言表，而书不尽，遗迹索意，托之有赏。其辞曰：

谢子卧疾山顶，览古人遗书，与其意合，悠然而笑曰：夫道可重，故物为轻；理宜存，故事斯忘。古今不能革，质文咸其常。合宫非缙云之馆，衡室岂放勋之堂。迈深心于鼎湖，送

临溪而傍沼，乃抱阜而带山。考封域之灵异，实兹境之最然。葺骈梁于岩麓，栖孤栋于江源。敞南户以对远岭，辟东窗以瞩近田。田连冈而盈畴，岭枕水而通阡。

阡陌纵横，塍埭交经。导渠引流，脉散沟并。蔚蔚丰稔，苾苾香秔。送夏蚤秀，迎秋晚成。兼有陵陆，麻麦粟菽。候时觐节，递艺递熟。供粒食与鼠饮，谢工商与衡牧。生何待于多资，理取足于满腹。

自园之田，自田之湖。泛滥川上，缅邈水区。浚潭润而窈窕，除菰洲之纡馀。愍温泉于春流，驰寒波而秋徂。风生浪于兰渚，日倒景于椒涂。飞渐榭于中沚，取水月之欢娱。旦延阴而物清，夕栖芳而气敷。顾情交之永绝，覿云客之暂如。

水草则萍藻蒹葭，菰蒲荇蓼，兼菰苹繁，菴苕菱莲。虽备物之偕美，独扶渠之华鲜。播绿叶之郁茂，含红敷之缤翻。怨清香之难留，矜盛容之易阑。必充给而后奉，岂蕙草之空残。眷《叩弦》之逸曲，感《江南》之哀叹。秦筝倡而溯游往，《塘上》奏而旧爱还。

《本草》所载，山泽不一。雷、桐是别，和、缓是悉。参核六根，五华九实。二冬并称而殊性，三建异形而同出。水香送秋而擢菖，林兰近雪而扬猗。卷柏万代而不殒，伏苓千岁而方知。映红葩于绿蒂，茂素蕤于紫枝。既往年而增灵，亦驱妖而斥疵。

其竹则二箭殊叶，四苦齐味。水石别谷，巨细各汇。既修竦而便娟，亦萧森而蓊蔚。露夕沾而凄阴，风朝振而清气。捎玄云以拂杪，临碧潭而挺翠。蔑上林与淇澳，验东南之所遗。企山阳之游践，迟鸾鹭之栖托。忆崑园之悲调，慨伶伦之哀龠。卫女行而思归咏，楚客放而防露作。

其木则松柏檀栾，□□桐榆。桤栢穀棟，楸梓桤梧。刚柔性异，贞脆质殊。卑高沃瘠，各随所如。干合抱以隐岑，杪千仞而排虚。凌冈上而乔竦，荫涧下而扶疏。沿长谷以倾柯，攒积石以插株。华映水而增光，气结风而回敷。当严劲而葱蒨，承和煦而芬腴。送坠叶于秋晏，迟含萼于春初。

植物既载，动类亦繁。飞泳骋透，胡可根源。观貌相音，备列山川。寒燠顺节，随宜匪敦。

鱼则魇鱧鲋鱖，鰟鮓鲢鳊，魴鮓魮鰪，鲮鲤鳊。辑采杂色，锦烂云鲜。唼藻戏浪，泛苻流渊。或鼓鳃而湍跃，或掉尾而波旋。鲈鲙乘时以入浦，鱖鲙沿濑以出泉。

鸟则鯤鸿鴈鸕，鹭鸕鸕。鸡鹑绣质，鹤鹑绶章。晨凫朝集，时鴈山梁。海鸟违风，朔禽避凉。莢生归北，霜降客南。接响云汉，侣宿江潭。聆清哇以下听，载王子而上参。薄回涉以弁翰，映明壑而自耽。

山上则狼獾狸獾，犴狻猊猛。山下则熊黑豺虎，獬鹿麋麋。掷飞枝于穷崖，踔空绝于深壑。蹲谷底而长啸，攀木杪而哀鸣。

缙纶不投，罟罗不披。礮弋靡用，蹄筌谁施。鉴虎狼之有仁，伤遂欲之无崖。顾弱龄而涉道，悟好生之咸宜。率所由以及物，谅不远之在斯。抚鸥鰕而悦豫，杜机心于林池。

敬承圣诰，恭窥前经。山野昭旷，聚落膺腥。故大慈之弘誓，拯群物之沦倾。岂寓地而空言，必有贷以善成。钦鹿野之华苑，羨灵鹫之名山。企坚固之贞林，希庵罗之芳园。虽粹

容之缅邈，谓哀音之恒存。建招提于幽峰，冀振锡之息肩。庶灯王之赠席，想香积之惠餐。事在隔而思通，理匪绝而可温。

爰初经略，杖策孤征。入涧水涉，登岭山行。陵顶不息，穷泉不停。栴风沐雨，犯露乘星。研其浅思，罄其短规。非龟非筮，择良选奇。翦榛开径，寻石觅崖。四山周回，双流逶迤。面南岭，建经台；倚北阜，筑讲堂。傍危峰，立禅室；临浚流，列僧房。对百年之高木，纳万代之芬芳。抱终古之泉源，美膏液之清长。谢丽塔于郊郭，殊世间于城傍。欣见素以抱朴，果甘露于道场。

苦节之僧，明发怀抱。事绝人徒，心通世表。是游是憩，倚石构草。寒暑有移，至业莫矫。观三世以其梦，抚六度以取道。乘恬知以寂泊，含和理之窈窕。指东山以冥期，实西方之潜兆。虽一日以千载，犹恨相遇之不蚤。

贱物重已，弃世希灵。骇彼促年，爰是长生。冀浮丘之诱接，望安期之招迎。甘松桂之苦味，夷皮褐以颓形。羨蝉蜕之匪日，抚云霓其若惊。陵名山而屡憩，过岩室而披情。虽未阶于至道，且缅绝于世纓。指松菌而兴言，良未齐于殇彭。

山作水役，不以一牧。资待各徒，随节竞逐。陟岭刊木，除榛伐竹。抽笋自篁，挺箬于谷。扬膝（一作杨胜）所拈，秋冬蒨葑。野有蔓草，猎涉蓼蓂。亦酝山清，介尔景福。苦以术成，甘以熟。慕榘高林，剥炭岩椒。掘茆阳崖，挺榘阴标。昼见茅茅，宵见索绯。芟菰蒹蒲，以荐以茭。既圯既埏，品收不一。其灰其炭，咸各有律。六月采蜜，八月扑栗。备物为繁，略载靡悉。

若乃南北两居，水通陆阻。观风瞻云，方知厥所。南山则夹渠二田，周岭三苑。九泉别涧，五谷异岫。群峰参差出其间，连岫复陆成其坂。众流溉灌以环近，诸堤拥抑以接远。远堤兼陌，近流开湍。凌阜泛波，水往步还。还回往匝，枉渚员蛮。呈美表趣，胡可胜单。抗北顶以葺馆，殷南峰以启轩。罗曾崖于户里，列镜澜于窗前。因丹霞以赭楣，附碧云以翠椽。视奔星之俯驰，顾□□之未牵。鸱鸿翻翥而莫及，何但燕雀之翩翾。汎泉傍出，潺湲于东檐；桀壁对峙，砢砢于西雷。修竹葳蕤以翳荟，灌木森沉以蒙茂。萝蔓延以攀援，花芬薰而媚秀。日月投光于柯间，风露披清于岷岫。夏凉寒燠，随时取适。阶基回互，棣棣乘隔。此焉卜寝，玩水弄石。迺即回眺，终岁罔敦。伤美物之遂化，怨浮龄之如借。眇遁逸于人群，长寄心于云霓。

因以小湖，邻于其隈。众流所凑，万泉所回。汎滥异形，首憾终肥。别有山水，路邈缅归。

求归其路，乃界北山。栈道倾亏，蹬阁连卷。复有水径，缭绕回圆。弥弥平湖，泓泓澄渊。孤岸竦秀，长洲芊绵。既瞻既眺，旷矣悠然。及其二川合流，异源同口。赴隘入险，俱会山首。瀨排沙以积丘，峰倚渚以起阜。石倾澜而峭岩，木映波而结藪。径南潒以横前，转北崖而掩后。隐丛灌故悉晨暮，托星宿以知左右。

山川洞石，州岸草木。既标异于前章，亦列同于后牍。山匪砢而是岵，川有清而无浊。石傍林而插岩，泉协涧而下谷。渊转渚而散芳，岸靡沙而映竹。草迎冬而结葩，树陵霜而振

绿。向阳则在寒而纳煦，面阴则当暑而含雪。连冈则积岭以隐嶙，举峰则群竦以巖嶭。浮泉飞流以写空，沉波潜溢于洞穴。凡此皆异所而咸善，殊节而俱说。

春秋有待，朝夕须资。既耕以饭，亦桑贸衣。艺菜当肴，采药救颓。自外何事，顺性靡违。法音晨听，放生夕归。研书赏理，敷文奏怀。凡厥意谓，杨较以挥。且列于言，诚特此推。

北山二园，南山三苑。百果备列，乍近乍远。罗行布株，迎早候晚。猗蔚溪涧，疏崖森岫。杏坛、奈园、橘林、栗圃。桃李多品，梨枣殊所。枇杷林檎，带谷映渚。榭梅流芬于回峦，桺柿被实于长浦。

畦町所艺，含蕊藉芳，蓼葳蓂荠，葑菲苏姜。绿葵眷节以怀露，白薤感时而负霜。寒葱标倩以陵阴，春藿吐苕以近阳。

弱质难恒，颓龄易丧。抚鬓生悲，视颜自伤。承清府之有术，冀在衰之可壮。寻名山之奇药，越灵波而憩轡。采石上之地黄，摘竹下之天门。摭曾岭之细辛，拔幽涧之溪荪。访钟乳于洞穴，讯丹阳于红泉。

安居二时，冬夏三月。远僧有来，近众无阙。法鼓朗响，颂偈清发。散华霏蕤，流香飞越。析旷劫之微言，说像法之遗旨。乘此心之一毫，济彼生之万理。启善趣于南倡，归清畅于北机。非独惬于予情，凉金感于君子。山中兮清寂，群纷兮自绝。周听兮匪多，得理兮俱悦。寒风兮搔屑，面阳兮常热。炎光兮隆炽，对阴兮霜雪。憩曾台兮陟云根，坐涧下兮越风穴。在兹城而谐赏，传古今之不灭。

好生之笃，以我而观。惧命之尽，吝景之欢。分一往之仁心，拔万族之险难。招惊魂于殆化，收危形于将阑。漾水性于江流，吸云物于天端。睹腾翰之颀颀，视鼓鳃之往还。驰骋者倘能狂愈，猜害者或可理攀。

哲人不存，怀抱谁质。糟粕犹在，启膝剖衷。见柱下之经二，睹濠上之篇七。承未散之全朴，救已颓于道术。嗟夫！六艺以宣圣教，九流以判贤徒。国史以载前纪，家传以申世模。篇章以陈美刺，论难以核有无。兵技医日，龟策筮梦之法，风角冢宅，算数律历之书。或平生之所流览，并于今而弃诸。验前识之丧道，抱一德而不渝。

伊昔韶胤，实爱斯文。援纸握管，会性通神。诗以言志，赋以敷陈。箴铭诔颂，咸各有伦。爰暨山栖，弥历年纪。幸多暇日，自求诸己。研精静虑，贞观厥美。怀欣成章，含笑奏理。

若乃乘摄持之告，评养达之篇。畏绝迹之不远，惧行地之多艰。均上皇之自昔，忌下衰之在旃。投吾心于高人，落宾名于圣贤。广灭景于崆峒，许遁音于箕山。愚假驹以表谷，消隐岩以攀芳。莱庇蒙以织畚。皓栖商而颐志，卿寝茂而敷辞。郑别谷而永逝。梁去霸而之会，□□□□□□。高居唐而胥宇，台依崖而穴墀。咸自得以穷年，眇贞思于所遗。

暨其窈窕幽深，寂寞虚远。事与情乖，理与形反。既耳目之靡端，岂足迹之所践。蕴终古于三季，俟通明于五眼。权近虑以停笔，抑浅知而绝简。

录自宋《嘉泰会稽志》，清嘉庆戊辰重镌，采鞠轩藏版。

修心赋

南朝·陈 江 总

太清四年秋七月，避地于会稽龙华寺。此伽蓝者，余六世祖宋尚书右仆射州陵侯，元嘉二十四年之所构。侯之王父，晋护军将军彪，昔莅此邦，卜居山阴都赐里，貽厥子孙，有终焉之志。

寺域则宅之旧基，左江右湖，面山背壑，东西连跨，南北纡萦，聊与苦节名僧同销日用。晓修经戒，夕览图书，寝处风云，凭栖水月。不意华戎莫辨，朝市倾沦，以此伤情，情可知矣。啜泣濡翰，岂据郁结，庶后生君子阅余此概焉。嘉南斗之分次，肇东越之灵秘。表桧风于韩什，着镇山于周记。蕴大禹之金书，镌暴秦之石字。太史来而探穴，钟离去而开箭。信竹箭之为珍，何珉珎之罕值。奉盛德之鸿祀，寓安禅之古寺。实豫章之旧圃，成黄金之胜地。遂寂默之幽心，若镜中而远寻。面曾阜之超忽，迹平湖之迥深。山条偃蹇，水叶浸淫。挂猿朝落，饥鼯夜吟，果丛药苑，桃溪橘林。捎云拂日，结暗生阴。保自然之雅趣，鄙人间之荒杂。望岛屿之遄回，面江源之重沓；泛流月之夜回，曳光烟之晓匝。风引蜩而嘶噪，雨鸣林而修飒。鸟稍狎而知来，云无情而自合。迹乃野开灵塔，地筑禅居。喜园迢递，乐树扶疏。经行藉草，宴坐临渠。持戒振锡，度影甘蔬。坚固之林，可喻寂灭之场。麈如异曲终而悲起，非木落而悲始。岂降志而辱身，不露才而扬已。钟风雨之如晦，倦鸡鸣而聒耳。幸避地而高栖，凭调御之遗旨。折四辨之微言，悟三乘之妙理。遗十缠之系缚，祛五惑之尘滓。久遗荣于势利，庶忘累于妻子。感意气于畴日，寄知言于来祀。何远客之可悲，知自怜而何已。

录自宋《嘉泰会稽志》，清嘉庆戊辰重镌，采鞠轩藏版

三月上巳祓禊序

唐 王 勃

观夫天下四方，以宇宙为城池；人生百年，用林泉为窟宅。虽朝野殊致，出处异途，莫不拥冠盖于烟霞，披薜萝于山水。况乎山阴旧地，王逸之池亭，永兴新郊，许玄度之风月。琴台寥落，犹停隐遁之宾；醴渚荒凉，尚遏逢迎之客。仙舟溶漾，若海上之槎来；羽盖参差，似辽东之鹤举。或昂骐驎，或泛飞凫，俱安名利之场，各得逍遥之地。而上属无为之道，下栖玄邈之风。永淳二年暮春三月，迟迟风景，出没媚于郊原；片片仙云，远近生于林薄。杂花争发，非止桃蹊；群鸟乱飞，有逾鹦谷。王孙春草，处处争鲜；仲阮芳园，家家并翠。于是携旨酒，列芳筵，先祓禊于长洲，却申交于促席。良谈吐玉，长江与斜汉争流；清歌绕梁，白云将红尘并落。他乡易感，增栖怆于兹辰；羁客，何情更欢娱于此日，加以今之视昔，已非昔日之欢。后之视今，亦是今时之会？人之情也，能不悲乎？且题姓字，以表襟怀。使夫会稽竹箭，则推我于东南；崑阜琳琅，亦归予于西北。

录自《四库全书·王子安集》

禹穴碑铭并序

唐 元 稹 铭 郑 觐 序

惟帝圣世时，必有符命。在昔黄帝始受河图王篆，必羲得神蓍而垂皇策，尧配璇玑玉衡以齐七政，舜继成六德，文王获赤雀丹书而演道定谟。予亦以谓禹探其穴，得开世之符而成乎水功。夫神人合谋而行变化，天地定位，阴阳潜交，五行迭王，斗建司节，岳尊山而渎长川，乃至日星雷风，祯祥秘奥，三纲五纪，万乐百礼，人人物物，各由身生，无非元功冥持，至数吻合以及之者。王者奉天而行，故圣神焉，帝皇焉。彼圣如仲尼，有德而无应，故位止于旅人，福弗及生灵，乃叹曰：“凤鸟不至，河不出图，吾已矣。”夫然后知元命者轩，后命者羲，受命者唐与虞，成命者禹，备命者文。仲尼不受命，乃假人事而言，故有宗予之说，后代无作焉。立言者一仁义以束世，教瞽瞍蚩蚩，使绝其非望，职业之外，存而不论。予读夏书无是。说。司马子长自叙始云：“登会稽，探禹穴。”不然，万祀何传焉，惑矣！苍山之濬，呀如渊如，陵徙谷迁，此中不蹇，雨洗烟空，欷然莫穷。噫！实禹迹之所始终。唐兴二百八祀，宝历丙午秋九月，予从事于是邦，感上圣遗轨而学者无述，作禹穴碑，廉察使旧相河南公见而铭之，曰：

禹穴宜载夏与秦，胡为而不载？古而不载，迁与郑胡为而载？予以谓天德统万，止言其盖。地德统万，止言其载。尧德统万，止言其大。千山万山，皆言其会。一符一穴，不足为最。故夏与秦，俱不之载，而人以之昧。虽山之坚，虽洞之涉，有时而堙，有时而兑。岁其万千，风雨淘汰。亡其嵌呀，丛是蕞荟。惟郑与迁，斯碑斯载，斯时之赖。

录自清《嘉庆山阴县志》，民国二十五年十一月绍兴县修志委员会校刊本

梅山子真泉铭

唐 陆龟蒙

梅公之去汉，犹鸱夷子之去越也。变姓名，弃妻子。舟车所通，何所不阅。彼吴市门人偶传之，而作史者因著其说。倘信吴市而疑斯山，不几乎执一而废百。梅公之去，如怀安于一方，则是以颈血丹莽之斧钺也。山麓之泉，甘寒澄澈，珠琲玉雪，与子徘徊，酌泉饮之，亦足以尽公之高而叹其决也。

录自清《嘉庆山阴县志》，民国二十五年十一月绍兴县修志委员会校刊本

涂山铭并序

唐 柳宗元

维夏后氏建大功，定大位，立大政，勤劳万邦，和宁四极，威怀九有，仪刑后王。当夫洪流方割，灾被下土，自壶口而导百川，大功建焉。虞帝毫期，顺承天历，自南河而受四海，大位定焉。万国既同，宣省风教，自涂山而会诸侯，大政立焉。功莫崇乎御大灾，乃锡元圭，以承帝命；位莫崇乎执大象，乃辑五瑞，以建皇极；政莫先乎齐大纪，乃朝玉帛，以混经制，是

所以承唐虞之后，垂子孙之丕业，立商周之前，树帝王之洪范者也。呜呼！天地之道，尚德而右功；帝王之政，崇德而赏功。故尧舜至德，而位不及嗣；汤武大功，而延祚于世。有夏德配于二圣，而唐虞尚功焉；功冠于三代，而商周让德焉。宜乎立极垂统，贻于后裔，当位作圣，著为世准。则涂山者，功之所由定，德之所由济，政之所由立，有天下者宜取于此。追维大号既发，华盖既狩，方岳列位，奔走来同，山川守臣，莫敢遑宁。羽旄四合，衣裳咸会，虔恭就列，俯俛听命。然后示之以礼乐，和气周洽；申之以德刑，天威振耀。制立谟训，宜在长久。厥后启征有扈，而夏德始衰；羿距太康，而帝业不守。皇祖之训不由也。人亡政坠，卒就陵替。向使继代守文之君，又能绍其功德，修其政统，卑宫室，恶衣服，拜昌言，平均赋入，制定朝会，则诸侯常至而天命不去矣。兹山之会，安得独光于后欤？是以周穆遐追遗法，复会于是山，声垂天下，亦绍前轨，用此道也。故余为之铭，庶后代朝诸侯、制天下者，仰则于此。其辞曰：

惟禹体道，功厚德茂。会朝侯卫，统一宪度。省方宣教，化制殊类。咸会坛位，承奉仪矩。礼具乐备，德容既孚。乃举明刑，以弼圣谟。刑戮防风，遗骨专车。克威克明，畴敢以渝。宣昭黎献，底定寰区。传祚后引，丕承帝图。涂山岩岩，界彼东国。惟禹之德，配天无极。即山刊石，贻后作则。

录自清《嘉庆山阴县志》民国二十五年十一月绍兴县修志委员会校刊本

会稽风俗赋

宋 王十朋

昔司马相如作《上林赋》，设子虚、乌有先生、亡是公三人相答难。子虚，虚言也；乌有先生者，乌有是事也；亡是公者，亡是人也。故其词多夸而其事不实。如卢橘、黄柑之类，盖上林所无者，犹庄生之寓言也。余赋会稽，虽文采不足以拟相如之万一，然事皆实录。故设为子真、无妄先生、有君答问之辞。子真者，诚言也；无妄者，不虚也；有君者，有是事也。以反相如之说焉。

有客过越，自称子真，介于无妄先生，赞见于有君。谒入，乃膝而前曰：“闻有君之名雅矣，今幸际颜色，聆话言，仆辄有请，君其听焉。君世家于越，以风流自命，业博缃素，才播歌咏，越之山川人物，古今风俗，载在君腹，愿闻其略可乎？”有君乃敛衽肃容谢曰：“唯唯。客姑坐焉，吾以语尔。越于九域，分曰扬州。仰瞻天文，度当斗牛。在辰为丑，自夏而侯。郡于秦汉，霸于春秋。州于隋而使于唐，公有素而王有繆。因种山而中宅，廓蠡城而外周。龙楼翼而屹峙，石窦伏而巽流。法天门兮地户，惟昆仑兮是侔。实东南之大府，号天下之无仇。

“其山则郁郁苍苍，岩岩鬼鬼。磅礴蜿蜒，嶙峋崒崒。若騫若奔，若阖若开。或凹或凸，或阜或堆。或断而联，或昂而低。虎卧龟蹲，龙蟠雁徊。舒为屏障，峙为楼台。掩映江湖，明灭云霓。八山中藏，千峰周回。彭、鲍名存，蛾、马迹迷。巨者南镇，是为会稽。洞曰阳明，群仙所栖。石伞如张，石帆如扬。石簪如藏，石鹞如翔。石壁匪泥，石瓮匪携。香炉自烟，天柱可梯。韞玉有筥，降仙有台。禹穴窅而叵探，葛岩蜚而自来。射堂丰凶之的，宛委日月

之珪。应天上之玉衡，直海中之蓬莱。至若嵎山岿其东，涂山屹其西。阜至繇蜀，龟来自齐。梅山乃隐吏之窟，竺萝盖西子之闺。五泄争奇于雁荡，四明竞秀于天台。五云中令之故居，十峰县翼之招提。故越为之首兮，剡为之面兮。沃洲、天姥，眉兮、目兮，金庭桐柏，仙子宅兮。南明嵌崆，宝相涌兮。南岩嵯峨，海迹古兮。陟秦望而望秦兮，登洛思而思洛兮。采葛、食蕺，敬吊前王兮，修竹茂林，缅想陈迹兮。连山如珠，秦皇之所驱兮，峯山如玦，亚父之所割兮。北干隐兮明月在，东山卧兮白云迷。少微寂兮幽鸟怨，太白空兮野猿啼。

“其水则浩渺泓澄，散漫迂濊。涨焉而天，风焉而波。净焉如练，莹焉如磨。溢而为江，渚而为湖。为沼为沚，为潢为污。汇为陂泽，疏为沟渠。浸而田畴，淤而泥涂。生我稻粱，溉我果蔬。集有鳧雁，戏有龟鱼。实有菱芡，香有芙蕖。鹢舟如击，马楫如驱。船龙夭矫，桥兽睢盱。堰限江河，津通漕输。航匪舶闽，浮鄞达吴。浪桨风帆，千艘万舳。大武挽纤，五丁噪譟。榜人奏功，千里须臾。境绝利博，莫如鉴湖。有八百里之回环，灌九千顷之膏腴。浮贺监之家，浸允常之都。人在鉴中，舟行画图。五月清凉，人间所无。有菱歌兮声峭，有莲女兮貌都。日出兮烟消，渔郎兮啸呼。东泛曹江，哀彼孝娥。西观惊涛，吊夫子胥。概浦思夫概之封，翁州访偃王之庐。簞醪投兮沼吴国，扁舟去兮变陶朱。鼓樵风兮游若耶，兴雪棹兮寻隐居。楔事修兮觞兰渚，陶泓沐兮池戒珠。了溪凿兮禹功毕，刑塘筑兮长人诛。酌菲泉兮怀古，饮清白兮自娱。

“其物则有鱼盐之饶，竹箭之美。山涵海蓄，忘其有几。贡入王室，利周遐迩。耕焉以火，耨焉以水。南风翼苗，翠浪千里。秬稬一空，玉粒如峙。炊粳酿秫，既甘且旨。采桑之奇，号为第一。龙精僊僊，吐丝满室。万草千华，机轴中出。绫纱缁縠，雪积缣匹。木则枫挺千丈，松封五夫。桐柏合生，檫枿异隅。文梓、榎楠，栝、柞、楮、榆。连理之柯，合抱之株。乃斧乃斤，以輿以庐。乃有萧山陆吉，诸暨三如。胡楠成林，贺瓜满区。枣实全赤，橘腮半朱。火榧壳玉，樱桃荐珠。鸭脚舍黄，鸡头去卢。百益、七绝之奇，双头、四角之殊。蔗有昆仑之号，梅有官长之呼。蔓生则马乳、蓼莪，土实则鳧茨、慈菰。野蕮溪毛，园蔬木菌。湘湖之莼，箭里之笋。可荐可羞，采擷无尽。鳞虫水族，海生池养。丁首丙尾，蟠腹缩项。赤鲋文鳊，元鳊黄鳊。渔人骈集，以钓以网。羹金脍玉，不数熊掌。能言之鹭，善鸣之鹅。输芒之蟹，孕珠之蠃。文身合氏之子，跛足从事之徒，街填巷委，与土同多。异兽珍禽，屑铜吐绶。猛虎负子，灵鸟送愁。凤栖鹿化，鹤拾雁糗。熊黑狸豹，猴獾猿狖。鸬衔鸬吐，莺求鹑斗。鸥浮鹢浴，鸱寒鸢瘦。巧妇锥喙，春锄雪脰。林栖水宿，修尾长喙。江湖为笼，山林为囿。以牡以牝，以蜚以走。甲第名园，奇葩异香。牡丹如洛，芍药如扬。木兰载新，海榴怀芳。菊山黄华，兰亭国香。天衣杜鹃，东山蔷薇。湖映香雪，鉴生水芝。鸳鸯并蒂，仙桂丹枝。司华骋巧，天女效奇。桃李漫山，戚获眠之。药物之产，不知其名，白术、丹参，甘菊、黄精，吴萸、越桃，禹粮、石英。蓊训鬻之以疗疾，彭祖服之而延龄。秦皇求之而莫致，葛仙饵之而飞升。日铸雪芽，卧龙瑞草。瀑岭称仙，茗山斗好。顾渚争先，建溪同蚤。碾尘飞玉，瓯涛翻皓。生两腋之清风，兴飘飘于蓬岛。剡藤番番，管城斑斑。冰敲嵎水，竹翦顾园。制于蒙蔡之手，游于羲、献之间。友陈元与端紫，同文字于人寰。至若龙护金书，苔封石刻，苗山金玉，